

## It hynder

It hynder leit en sliept  
net mear. It each sjocht  
wol, mar net mear nei it  
gers, mar fierder no

It hynder is net wat  
it wie. Sa sûnder  
sturt dy't slaad nei miggen,  
noas dy't trillet troch  
kjeld, wat is in hynder  
sûnder har galop?

Sa at se no falt op  
de grûn sa kaam se  
op de wrâld, doe ek wat  
ferbjustere mar  
klear ....

Ik azemje dy fuort  
en hoop do rinst, do  
draafst fuort fier fan my noch  
ien kear gekoanstekkerij?

